

Peqqussutissatut siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Inatsisartut peqqussutissatut siunnersuut una saqqummiunneqarpoq siusinaartumik pensionisiallit aningaasatigut pitsaannerusumik atugaqarsinnaalersinniarlugit. Siusinaartumik pensionisiat annertussusilerneqarsimanerisa qaffanneqarnissaat siunnersuutigineqarpoq, taakkua 1998-miilli allanngortinneqarsimanngimmata. Piffissami tassani pisassat akiinut naleqqersuutit qaffassimapput. Aammattaq siunnersuutigineqarpoq siusinaartumik pensionisiat akit nikerarnerinut ingerlaannartumik naleqqussarneqartassasut.

Siunnersuutaaq saqqummiunneqarpoq Inatsisartut UKA 2009-mi immikkoortumi 44-mi saqqumnermat, Naalakkersuisut pensionisiallit katissimasut imaluunniit inooqatigiit aappaasa aapparissami toqukkut qimagussimanerisa kingorna qaammatini marlunni toqoreersup siusinaartumik pensioniassaannik tigusaqartarnissaat pillugu allannguutissatut siunnersuummik saqqummiussisasut. Naalakkersuisut aalajangerput, tamanna aamma siusinaartumik pensionisialinnit aappaminnit toqukkut qimagaasunut atuutissasoq.

Siunnersuut aalajangersakkanit ataasiakkaat nassuiaataasa paasineqarsinnaanerannik ajornartorsiornarsinnaanerinnitaaq aamma tunngaveqarpoq. Taamaattumik erseqqissaatigalugu siunnersuutigineqarpoq, kisimiittumut siusinaartumik pensioniassat minnerpaamik 20% -iinik pisinnaatitaaffeqartoq.

Naggataatigut siunnersuummi § 18-mi aamma § 21-mi oqaasertat erseqqissarneqarput taamaaliornikkut kalaallisut qallunaatullu allanneri naapertuunnissaat qulakkeerniarneqarmat.

2. Siunnersuummi immikkoortut pingaarnepaat

Siusinaartumik pensionisiat annertussusiisa allanngortinneqarnerat

Siusinaartumik pensionisiat annertussusilerneqarnerisa qaffanneqarnissaat siunnersuutigineqarpoq, annertussusiliinerit 1998-miilli aaqqiiffigineqarnikuunngimmata. Piffissami 1998-miilli nioqqutissat akiinut naleqqersuut qaffakkiartuaarpoq. Aammattaq siunnersuutigineqarpoq

utoqqalinersiutit pillugit inatsisartut peqqussutaat assigalugu siusinaartumik pensionisiat akit nikerarnerinut ingerlaannartumik naleqqussarneqartassasut.

Pensionisiallip toqkkut qimagunnerani pensionisiassaasa tunniunneqartarnissaat

Siunnersuutigineqarpoq, pensionisiaqartumik katissimasaminik inooqatigisaminilluunniit toqkkup qimagaasup qaammammi aapparmi toqqiata naanerata kingorna qaammatini marlunni siusinaartumik pensionisissaanik tigusaqartassasoq.

Inatsisinik atuuttunik erseqqissaaneq

Siusinaartumik pensionisiassat annertussusissaat isertitat akileraarutaasussanut naleqqersuullugit aaqinneqartarput, kisiannili akileraarutaasussanik isertitaqaraluaanniluunniit atorunnaarsinneqarsinnaangisaannarput.

Erseqqissaatigalugu siusinaartumik pensionisiassat annertussusissat kisermaamut siusinaartumik pensionisiassanit minnerpaamik 20 %-iussasut siunnersuutigineqarpoq.

Oqaasertalerneqarneri ataasiakkaat erseqqissaassutigineqarput, taamaaliornikkut § 18 aamma § 21-imi kalaallisut qallunaatullu allassimasut naapertuunnissaat qulakkeerniarlugu, aammattaaq aalajangersakkami tassani oqaasertaliunneqarsimasut immikkuualuttortaat ersarissarneqarnissaat qulakkeerniarlugu.

3. Aningaasatigut allaffissornikkullu kingunerisinnaasai

Annertussusiliinernik qaffaanissatut siunnersuutigineqartut AIS 2010-mut ikkunneqarput, Siunertamut 17 mio. kr. -nit immikkoortinneqarlutik.

Pensionisiallit katissimasut imaluunniit inooqatigiit aappaasa aapparisami toqkkut qimagussimanerisa kingorna qaammatini marlunni toqoreersup pisortanit pensionisiassaannik imaluunniit siusinaartumik pensionisiassaannik tigusaqartarnissaannik aningaasaqarnikkut kinguneqarnissaa naatsorsuutigineqarpoq killiliussat iluanniinnissaa.

Tamatuma avataatigut aningaasaqarnermut kinguneqarnissaa naatsorsuutigineqanngilaq.

Pisortanut allaffissornikkut kinguneqarnissaa naatsorsuutigineqanngilaq.

4. Aningaasaqarnikkut allaffissornikkullu inuussutissarsiortunut kingunerisinnaasai

Siunnersuut aningaasatigut kinguneqarnissaa naatsorsuutigineqanngilaq

5. Avatangiisinut pinngortitamullu kingunerisinnaasai

Siunnersuut avatangiisinut pinngortitamullu kinguneqarnissaa naatsorsuutigineqanngilaq

6. Allaffissornikkullu innuttaasunut kingunerisinnaasai

Siunnersuut allaffissornikkullu innuttaasunut kinguneqarnissaa naatsorsuutigineqanngilaq

7. Allatigut kingunerisinnaassai

Allatigut kinguneqarsinnaanera naatsorsuutigineqanngilaq.

8. Naalagaaffeqatigiinnermut kingunerisinnaasai

Siunnersuut Naalagaaffeqatigiinnermut kinguneqarnissaa naatsorsuutigineqanngilaq.

9. Oqartussanik kattuffinnillu tusarniaaneq

Siunnersuut ukununga tusarniaassutigineqarpoq: KANUKOKA, NUSUKA, GA, SIK, AK, IMAK, ILIK, PIP, ASG, PPK, KNAPK, APK, Aningaasaqarnermut Naalackersuisoqarfik, Inussutissarsiornermut Suliffeqarnermullu Naalackersuisoqarfik, Kulturimut, Ilinniartitaanermut Ilisimatusarnermut Ilageeqarnermullu Naalackersuisoqarfik Peqqissutsimut Naalackersuisoqarfik, Nunamut Namminermut, Pinngortitamut Avatangiisinullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Kommunit Kukkunersuisui Isumaginninnermullu Naammagittaalliuteqartarfik.

Oqartussat kattuffiillu tusarniaanermut uku akissuteqarput:

KANUKOKA

Oqaatigineqassaaq siusinaartumik pensionisiat 1998-imiit siusinaartumik pensionisiat akit nikerarnerinut naleqqussarneqartarnerisa atorunnaarsinneqarnerat kommunit inummut tapeqartitsinikkut aningaasartuuteqarnerulernermik kinguneqarsimasoq, tassa pensionisiat pisisinnaassusikkut malinnaasimanngimmata. Taamaattumik tunniunneqartartut maannakkut iluarsineqartarnissaannik siunnersuuteqartoqarnera tikilluaqquneqarpoq. Kommunit siunnersuutigaat akit nikerarnerinut naleqqussaasarneq pillugu aalajangersakkamik ikkussisoqassasoq, taamaalilluni pensionisartuni pisisinnaassuseq siunissamut qulakkeerneqarluni.

Aammattaaq siunnersuutigineqarpoq pensionisiaqartut kisermaat qaammatini marlunni toqusup piinut qaammatini marlunni pensionisisassasut.

Oqaaseqaatit tusaatissatut tiguneqarput. Erseqqissaatigineqassaarli siusinaartumik pensionisiaqartut pisartagaasa akit nikerarnerinut naleqqussarneqartarneri 1. juli 1995-imi atorunnaarsinneqarmat.

Siusinaartumik pensionisiat akit nikerarnerinut naleqqussaannermut tunngatillugu tamanna peqqussutissatut siunnersuummi matumani tulluarsarlugu ilanngunneqarpoq.

Pensionisiaqartup toqnerata kingorna qaammatini marlunni pensionisiat tunniunneqartarnissaannut siunnersuut peqqussutissatut siunnersuummi matumani naleqqussarlugu ilanngunneqassanngilaq. Aalajangersakkatut siunnersuutigineqartumi siunniussa qassaavoq qaammatip toqkukut qimanguffiusup naanerata kingorna qaammatini marlunni pensionisiaqartup toqusup pisartagai qimanneqartup tigusassagai, manna tikillugu aningaasartuutit marluullutik akilersorsimasaannut piffissami sivikitsuinnarmi qimanneqartoq ikiorserusullugu.

Aningaasaqarnermut Naalakkersuisoqarfik

Siusinaartumik pensionisiat iluarsineqartarnissaat Naalakkersuisoqarfiup akueraa. Siunnersuutigineqarpoq utoqqalinersiutini atorneqartoq malillugu siusinaartumik pensionisiat ingerlaannartumik iluarsineqartarnissaat tulluarsarlugu ilanngunneqassasoq. Aammattaaq siunnersuutigineqarpoq isertitat akileraaruserneqartussat annertussusai apeqqutaatinnagit siusinaartumik pensionisiaqartup kisermaap pensionisiarisartagaasa minnerpaamik 20 %-iinik pensionisiaqarnissaq pillugu aalajangersagaq atorunnaarsinneqassasoq/peerneqassasoq.

Oqaaseqaatit tusaatissatut tiguneqarput. Tamanna pillugu utoqqalinersiuteqarnermut peqqussummi aalajangersakkamut eqqaanartoq siusinaartumik pensionisiat ingerlaannartumik iluarsineqartarnissaannut aalajangersagaq nutaaq tulluarsarlugu ilanngunneqarpoq. Isertitat akileraaruserneqartussat annertussusai apeqqutaatinnagit siusinaartumik pensionisiaqartup kisermaap pensionisiarisartagaasa minnerpaamik 20 %-iinik pensionisiaqarnissaq pillugu aalajangersakkap peerneqarnissaanut siunnersuut peqqussutissatut siunnersuummi matumani tulluarsarlugu ilanngunneqanngilaq, Atugarissaarnermullu ataatsimiititaliarsuup kaammattuutissai utaqqimaarneqarlutik, tassa aalajangersagaq iliuuseqatigiittarnermi ajornartorsiutinut, Atugarissaarnermut ataatsimiititaliarsuarmut misissorneqartussanut ilaatinneqassagunarmat.

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfik.

Oqaatigineqarpoq peqqussummi taaguut “aappariit” atorneqartoq, tassa “aappariit” pillugit nassuiaat § 4-mi nangillugu atorneqarmat inuillu taakkuullutik katissimasut, nalunaarsorneqarsimallutik aappariittut imaluunniit katissimanermut eqqaanartumik aappariittut, sivikinnerpaamik ukiumi ataatsimi aappariissimasut. Oqaatigineqarpoq “aappariit” allannguutissatut siunnersuumi aamma atorneqassasoq.

Oqaaseqaatit tusaatissatut tiguneqarput allannguutissatullu siunnersuummi tulluarsarlugit ilanngunneqarlutik.

Uku oqaaseqaateqarsimanngillat:

GA (ILIK-lu ataatsimuulersimasut), AK, SIK, PIP, Peqqissutsimut Naalackersuisoqarfik aamma Isumaginninnermut Naammagittaalliuteqartarfik.

Uku tusarniaanermi akissuteqarsimanngillat:

IMAK, ASG, PPK, KNAPK, APK, NUSUKA, Inuussutissarsiornermut Suliffeqarnermullu Naalackersuisoqarfik, Nunami Namminermi Pissutsinut, Pinngortitamut Avatangiisinullu Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Kommunit Kukkunersuisui.

Peqqussutissatut siunnersuummi aalajangersakkat ataasiakkaat pillugit oqaaseqaatit

§ 1-mut

Nr. 1-mut

Imm. 1-mut

Aalajangersagaq aalajangersakkamut atuuttumut naapertuuppoq, pensionisiassalli annertussusaat qaffanneqarput. Siusinaartumik pensionisialimmut kisermaamut ukiumut 100.000 kr.-inut qaffanneqarnissaat siunnersuutigineqarpoq , aappariinnut, aappaanna siusinaartumik pensionisiaqarpat, ukiumut 100.000 kr.-nit, aappariinnut tamarmik siusinaartumik pensionisialinnut ukiumut 150.000 kr.-it.

Tamakkiisumik siusinaartumik pensionisiaqarnissamut piumasqaatit eqquutsinneqarsimappata, siusinaartumik pensionisiat annertussusiliinerit taaneqartut naapertorlugit tunniunneqartassapput. Taamaattoqanngippat piffissaq

najugaqarfiusimasoq tunngavigalugu aningaasat ilaannai tunniunneqassapput, ukiuni 40-ni najugaqarsimasinnaaneq tunngavigalugu naatsorsoneqartumik.

1998-miilli siusinaartumik pensionisiat atuuttut qaffanneqarsimanngineri pisiassallu akiinut naleqqersuut piffissami tassani qaffakkiartuaarsimani tunngavigineqarpoq.

Imm. 2-mut

Aalajangersagaq aalajangersakkamut naapertuuppoq, aningaasalli amerlaningortinneqarput.

Aappariit, aappaasup siusinaartumik pensionisiaqartup aappaalu pisortanit soraarnerussutisiaqartoq, utoqqalinersialinnut inatsisartut peqqussutaanni atuuttumi aalajangersarneqarput, taamaattumillu siusinaartumik pensionisiassat pillugit inatsisartut peqqussutaanni atuuttumi aalajangersarneqarlutik.

Utoqqalinersiassat Kalaallit Nunaanni Naatsorsueqqissaartarfimmi pisiassat akiinut naleqqersuutit saqqummiussai tunngavigalugit aqqinneqartarmata, pensionisiassat annertussusaat aqqinneqartarput, aappariinnut aappaasoq siusinaartumik pensionisiaqarpat aappaalu utoqqalineri utoqqalinersiaqarpat.

Pensionisiassat annertussusaat kingullermik 148.400 kr.-niusussatut aalajangersarneqarput.

Imm. 3-mut.

Aalajangersagaq nutaajuvoq aalajangersarneqarlunilu siusinaartumik pensionisiat akit nikerarnerinut naleqqussarneqartassasut. Aalajangersakkap malitsigisaanik atuisunut akigititaannut naleqqersuut tamakkiisumik pointinik pingasunik allannorsimangaangat siusinaartumik pensionisiat tamatigit iluarsineqartassasut. Taamaallaat 1. julimi atuisunut akigititanut naleqqersuut tunngavigalugu januarimi siullermi tullinnguuttumi atuutilertassalluni. Assersuutigalugu 1. juli 2010-mi atuisunut akigititanut naleqqersuut tunngavigineqarluni 100-mut inissinneqarpoq. 1. juli 2010-mut naleqqiullugu atuisunut akigititanut naleqqersuut 103.17-miippat 3 procentimik iluarsisoqassaaq. Taamatut iluarsineq aalajangiussimaneqassaaq tullianik atuisunut akigititanut naleqqersuut 106 qaangerpagu imaluunniit 100 ataallugu apparsimappat. Siusinaartumik pensionisiat appartinneqarsinnaapput aningaasat naleerunneranni 100 ataappagu. Iluarsiinissamut tunngavissaq toqqarneqarpoq aningaasanut inatsisiliornissaq eqqarsaatigalugu, piffissarlu iluarsiiiffiususaaq toqqarneqarluni allaffissorneq eqqarsaatigalugu.

Imm. 4-mut

Aalajangersagaq nutaajuvoq aalajangersarneqarlunilu akigititat nutaat ukiut tamaasa januarip aallaqqaataani Naalakkersuisunit tamanut saqqummiunneqartassasut. Tamanna pisassaaq Namminersorlutik Oqartussat isumaginninnermi inatsisit atuuttut pillugit nittartagaanni.

Nr. 2-mut

Aalajangersagaq § 9, imm. 2-mut naapertuuppoq, erseqqissaatigineqarporli siusinaartumik pensionisianik ilanngaasoqarsinnaanngitsoq (soorlu § 9, imm .2-mi atuuttumi allaqqasoq), imaammat isertitat akileraarutaasussat qanorluunniit annertutigigaluarpata tamatigut siusinaartumik pensionisiallip kisermaap penisonisiassaasa 20 procentiannik pisartagaqarnissaq pisinnaatitaaffigaaat, soorlu Inunnut Isumaginninnikkut Isumannaallisaaneq pillugu Nunat Avannarliit Isumaqatigiissutaanni aalajangersakkat malillugit siusinaartumik pensionisiassaqartoqartartoq.

Isertitassatut killiliussat aalajangersakkat malillugit kisermaamut siusinaartumik pensionisialimmut ukiumut 180.000 kr.-iupput, aappariinnut marluullutik siusinaartumik pensionisialinnut 270.000 kronit, 270.000 kr.-nit, aappariinnut aappaannaa siusinaartumik pensionisialimmut, aapparisaalu pisortanit pensionisianik sunilluunniit pisartagaqanngitsumut aammalu aappariinnut ukiumut 300.000 kr.-nit aappaannaa siusinaartumik pensionisialimmut aappaalu utoqqalinermi pensionisialimmut.

Siusinaartumik pensionisiatut pisartagassat naatsorsorneqartarput § 10 aamma § 11 naapertorlugit.

Nr. 3-mut

Imm. 1-mut

Aalajangersagaq aalajangersakkamut atuuttumut naapertuuppoq, uanili oqaasertaani erseqqissaassuteqartoqarpoq.

Aalajangersakkami aalajangersarneqarpoq, siusinaartumik pensionisiaqartut namminneerlutik pisussaasut nalunaaruteqassallutik inuttut atugarisamigut, soorlu avinnermi katinermiluunniit, aningaasaqarnermigulluunniit allannguuteqartoqarpat, soorlu isertitatigut qaffariaateqartoqarsimappat. Tamanna aamma atuuppoq, siusinaartumik pensionisiallit kommunit agguataarnerisa avataani aalajangersimasumik najugaqartunut, siusinaartumik pensionisiaqartunullu Inunnut Isumaginninnikkut Isumannaallisaaneq pillugu Nunat Avannarliit malittarisassaas malillugu siusinaartumik pensionisiaqartunut.

Imm. 2-mut

Aalajangersagaq aalajangersakkamut atuuttumut naapertuuppoq, uanili oqaasertaani erseqqissaassuteqartoqarpoq.

Aalajangersakkami ersarissumik naqissuserneqarpoq, siusinaartumik pensionisiaqarsinnaatitaaneq atuukkunnaartartoq, aalajangersakkami piумаqaataasut atuukkunnaarnerini imaluunniit eqqunngitsumik tunngaveqartumik siusinaartumik

pensionisiaqartitaalersimagaanni. Aalajangersagaq inunnut ikittuinnarnut, piffissap sivikitsup ingerlareernerani sulisinnaassuseqaleqqittunut attuumassuteqarneruvoq. Aammattaaq aalajangersagaq atuutissaq akuttusuutigut pisartutigut, soorlu inuk nakorsamit allagartamik peqquserlulluni allannortitsimaneratigut imaluunniit allatigut paasissutissanik eqqunngitsunik tunniussisoqarsimaneratigut.

Imm. 3-mut

Aalajangersagaq aalajangersakkamut atuuttumut naapertuuppoq, uanili oqaasertaani erseqqissaassuteqartoqarpoq.

Aalajangersakkami kommunit periarfissinneqarput siusinaartumik pensionisianik amerlanaaralutik tunniussisimaneranni siusinaartumik pensionisassat ingerlaavartunit akiligassiisinaanissamik. Siusinaartumik pensionisianit akiligassiinissamut piunasaqaataavoq, siusinaartumik pensionisialik nammineerluni eqqunngitsumik paasissutissiisimanissaa, imaluunniit siusinaartumik pensionisiassat annertuussusissaanut allannguutaasinnaasunik paasissutissanik isertuussisoqarsimanissaa. Kommuni nammineerluni annertuallaamik siusinaartumik pensionisiassanik tunniussisimaneratigut, siusinaartumik pensionisialimmullu kukkunermit pisuutinneqarsinnaanngippat, utertitsinissamik imaluunniit akiligassiisoqarsinnaanngilaq, tamannali atuutinngilaq erseqqissisinneqarsinnaappat amerlanaaraluni tuniussisoqarsimanagera siusinaartumik pensionisiallip ersarissumik ilisimasimagaa.

Assersuutigalugu kommuni kukkulluni kisitsisiliinermini kisitsisit kingullersaanni 0-mik ilasisoorsimappat, taamaalisoqarnerani siusinaartumik pensionisiallip qaammammut tigusassai 65.000 kr.-ninngorsimallutik 6.500 kr.-niusimagaluartut, taamatut pisoqarnerani siusinaartumik pensionisiallip eqqortumik tunineqarsimanissani naatsorsuutigissallugu tunngavissaqanngilaq. Kommuni siusinaartumik pensionisialimmit ilanngaassissalluni imaluunniit amerlanaaraluni tunniunneqarsimasunik utertitseqqusissalluni periarfissaqassaaq. Siusinaartumik pensionisiassallip tigusassaanit ilanngaasiisoqassatillugu imaluunniit utertitseqqusisoqassatillugu piunasaqaataanngilaq siusinaartumik pensionisialik eqqunngitsumik paasissutissanik tunniussisimanerminik tigusaqarsimanerminilluunniit ilisimaarinnissimanersoq uppernarsassallugu. Siusinaartumik pensionisiallip paasissutissanik eqqunngitsumik tunniussisimanagera eqqunngitsunik/kukkusumilluunniit paasinnissimaneranik uppernarsaasinnaaneq naammappoq.

Siusinaartumik pensionisianit pisortanit utoqqalinersiassanilluunniit ilanngaasiisoqarsinnaavoq, inuk pineqartoq pisortanit utoqqalinersisalersimappat, sulilu aningaasanik taarsersugassaqarpat. Taamatuttaaq pensionisiassaninut inuttullu tapinit ilanngaasiisoqarsinnaavoq. Meeqqanut tapinit ilanngaasiisoqarsinnaanngilaq.

Kommuni siusinaartumik pensionisianit utertitisoqassatillugu taarsiisoqassasorluunniit aalajangerpat illuatungerisamik tusarniaassuteqartoqarsimassaaq, takuuk suliat ingerlanneqartarnerat pillugu Pisortani sullissineq pillugu inatsisartut inatsisaat aamma aalajangersakkat Kalaallit

Nunaanni eqqartuussisaatsimi inatsisitigut pituttukkat, taamaaliornikkut siusinaartumik pensionisiallit penisonisiami sinneri inuussutissaannut naammannissat qulakkeerniarlugu. Pisut tamarmik ataasiakkaarlutik nalilersorneqartassapput, taamaaliornikkut aalajangiiffigineqarsinnaanngorlugu siusinaartumik pensionisiallip pensionisiaminit qanoq annertutigisumik akiliissinaanersoq nalilersorneqartassamat.

Nr. 4-mut

Aalajangersagaq aalajangersakkamut atuuttumut naapertuuppoq, uanili oqaasertaani erseqqissaassuteqartoqarpoq

Kommuni naliliinini tunngavigalugu siusinaartumik pensionisialik pensionisiassaanik aqutsinissani aalajangiiffigisinnaavaa. Soorlu tamanna pisinnaalluni, pisuni siusinaartumik pensionisiallip aningaasaqarnerminik akisussaassuseqannitsumik aqutsisimaneratigut, soorlu ullormi tigusiffissamini aningaasat tamaasa nungussimappagit, taamaalisoqarnerani siusinaartumik pensionisialik aningaasartuutitut aalajangersimasunut akiliisinnaajunnaarneratigut imaluunniit imminut isumagisinnaajunnaarneratigut, imaluunniit pisuni siusinaartumik pensionisiallip aningaasartuuminik naammaginartumik ingerlatsisinnaajunnartillugu.

Aalajangersakkamili siusinaartumik pensionisiallip nammineerluni siumoortumik tunniussisarneranit allaanerusumik tuniunneqartarnissaanik piumasagaateqartoqarsinnaaneranik tunngavissinneqanngilaq. Siunertaanngilaq siusinaartumik pensionisiallip pensionisiassami agguarlugit tigorussappagit piumasagaateqarnera tunngavigalugu, kommunip siusinaartumik pensionisiassat taamatut aqutsilissasoq. Kommuunili taamatut qinnuteqaateqartoqarpat qinnuteqaammut malitsinissaanut aamma killilersorneqanngilaq.

Nr. 5

Aalajangersagaq nutaajuvoq. Aalajangersakkami aalajangersarneqarpoq pensionisiaqartup toquneranut atatillugu aappariinni qimanneqartoq, § 4 naapertorlugu qaammammi toqqukkut qimaguffiusup naanerata kingorna qaammatini marlunni siusinaartumik pensionisiassaanik tigusaqartassasoq.

Aalajangersakkami § 22, imm. 1 ilanngunneqarpoq, qaammammi siusinaartumik pensionisiaqarnissamut piumasagaatit eqquutsikkunnaarnerisa kingorna pensionisiassat unitsinneqassammata qaammatip tulliuttup naanerani.

Taamaattumik aalajangersagaq atorneqassanngilaq, pisuni toqqukkut qimaguttup katissimasaminik inooqateqanngippat imaluunniit inooqateqanngippat.

Toqqukkut qimagussimasup katissimasaa il.il. isumaginninnermi ulloq unnuarlu paaqqinnittarfimmut nuuvissimappat, qimagaasoq toqqukkut qimagussimasup

siusinaarumik pensionianik tigusaqarsinnaanngilaq. Tamanna pissuteqarpoq, inatsisartut peqqussutaanni atuuttumi § 4, imm.2-mi aaliangersarneqarsimammat siusinaartumik pensionisianik pisartagaqartoq kisermaatut siusinaartumik pensionisialimmut naleqqiunneqartarmat, katissimasaa, nalunaarsukkamik inooqatigisaa imaluunniit inooqatigisaa ulloq unnuarlu paaqqinnittarfimmut nuuvissimagaangat.

§ 2-mut

Peqqussut 1. juli 2010-mi atuutilersinneqassaaq.